



L'OFFICE DE GRAND PRIEUR
en l'Abbaye & ordre de Cluny, & Vicaire né
en iceluy est contentieux. Entre.

Moyens par
 lesquels il est
 bien fondé.



O M Iean Sesse Prestre Docteur en Theologie *Le tout*
 ancien Religieux en l'ordre, lequel apres auoir *institué*
 esté pourueu & faict les fonctions de l'office *par la*
 d'Aumosnier, & exercé les charges de premier *produ-*
 & secôd cōpagnon d'ordre en ladite Abbaye, *ction*
audit

sur la resignation en sa faueur par le sieur d'Arbouse à present
 Abbé & general de l'ordre, à obtenu en Cour de Rome deux
 signatures de prouision dudit office de grand Prieur, relati-
 ues l'vne à l'autre, & toutes deux par supplément reciproque
 s'aydantes mutuellement pour vn mesme effect. Du consen-
 tement de tous les Religieux a esté mis en possession, par le
 commandement de l'Abbé, en l'assemblee des Senieurs, a
 commencé à exercer, a esté troublé par vn deuolutaire qui
 s'est desisté. A eu main-leuee des fruiçts saisis à la requeste du
 Procureur general de l'ordre, & du depuis a iouy paisiblemēt
 plus de dixhuiçt mois: & fait plusieurs grandes reparatiōs es
 lieux appartenants audit Office. En haine de ce qu'il contri-
 buē à l'auancemēt de la restauratiō de l'ordre & du restablis-
 sement de la regle en ladite Abbaye est trauerfē par vne ve-
 xation affectee.

Et.

Moyens par
 lesquels il est
 mal fondé &
 non receuable.

Dom Iean de Brou, lequel pour preuue de sa profession de
 Religieux audit Ordre, à produict vn acte defectueux & sus-
 pect de fausseté. Est paruenue par voyes indirectes à la qualité
 de Docteur en Droit canonique, duquel cōme de toute autre
 science, mesme de ce qui est absolument necessaire pour estre
 Prestre & Grand prieur de Cluny, est tres-ignorant, a esté
 promu auant l'aage aux ordres sacrées, Apres auoir mis en
 possession ledit Sesse, & iceluy recogneu pour Grād Prieur en
 plusieurs actes s'est faict pouruoir par deuolut. Par ses Bulles
 n'a exprimé sa pension de cinq cens liures sur le Prioré de la
 Margerie, & par la signature n'a exprimé que ladite pensio est

A y

en tiltre. A supprimé le trouble dudit Sesse par vn autre deuoluitaire, & le desistement en suite, a exprimé faux enonçant en termes douteux la qualité de Religieux profez dudit Sesse, & exposât qu'il s'estoit intrus audit office *temeritate propria*, quoy que luy mesme l'eust mis en possession apres lecture des prouisiôs. A suscitè ceste instance par vengeance en indignation de ce qu'il a esté exclus du maniement de quelques dependences du temporel de ladite Abbaye, par deliberation capitulaire, en l'assemblée des Religieux desquels le premier cômme Grand Prieur estoit ledit Sesse, est regetté par tous les Religieux, qui sont opposants & interuenans en l'instance, a esté mulcté par les formes & peines regulieres. Plaintes & informations contre luy. Pour s'excuser il produict quelques actes par lesquels depuis on a esté indulgent en son endroict, enquoy afin d'euitier & faire cesser le scandale on en a dissimulé la cause, apres admonestement preallable pour noter auant que punir.

Responſes par ledit Sesse aux obiections dudit de Brou.

1. Ce qui constituè le Grād Prieur de Cluny au degré de pre-
 éminence auquel il est en l'ordre est la qualité de Vicairè né
 de l'Abbé. 2. Il n'est pas cōstant que le Prieuré S. Sauueur de
 Neuers soit cōuentuel, & quand il le seroit *per vnionem extin-*
guitur & perdit nomen beneficij, & n'estant qu'accessoire ne peut
 obliger son principal aux Bulles, autrement *principale sequere-*
tur naturam accessorij, contre la Loy commune. 3. Le grand
 Prieuré n'est cōuentuel ains vn office claustral, & par conse-
 quent ne luy faut Bulles.

Premiere obiection.

L'office de grād Prieur est le premier en l'ordre apres les Abbez, le Prioré cōuentuel de S. Sauueur de Neuers ou dépend partant faut estre pourueu par Bulles.

1. Estant vn annexè si antien, & tel, que par les circonstances
 resultantes des pieces produites par ledit Sesse, il n'y a appa-
 rence quelconque de distinction entre les deux, qui ne sont
 differens l'vn de l'autre, qu'en ce que la situatiō de la demeure
 du grād Prieur à Cluny est esloignee de celle de S. Sauueur
 & des domaines en dependans à Neuers & és enuiron, il n'a
 esté necessaire d'exprimer plus precisément, que par la desi-
 gnation souz le mot collectif d'annexes. 2. Par les prouisiôs
 depuis cēt ans des precedens grāds Prieurs, à eux octroyees
 par les Abbez, on n'a point fait mention dudit Prioré plus
 spècialement.

2.

Ledit Prioré de S. Sauueur n'a point esté exprimé par les signatures dudit Sesse.

3.
Le fleur d'Arboufe est entré en iouissance de l'Abbaye de Cluny aussitost apres son election, apres laquelle estat en possession de l'Abbaye, il n'a peu resigner ledit office.

1. Par la promotion dudit fleur d'Arboufe à la dignité d'Abbé, l'office qu'il auoit de Grand Prieur, n'a peu vacquer de droict, qu'apres que l'electio estant agréee par le Roy, & confirmée par le Pape, il a eu pris possession en vertu de Bulles emanees en Cour de Rome, tellement que la procuracion portant resignation dudit office en faueur dudit Sesse precedant la prise de possession de l'Abbaye, ledit office n'a peu vacquer de droict, puis que ledit fleur Abbé s'en estoit demis auparauant. Et ce qui est tres-côsiderable, la faculté d'en disposer ne luy en pouuoit estre contestee, iusques apres l'an reuolu de sa paisible possession de l'Abbaye. 2. Quelque pre-texte de deuolut que peut alleguer ledit de Brou, il luy seroit inutile, attendu que ses prouisiôs sont posterieures à celles dudit Sesse, qui est pourueu avec la clause du deuolut, & les termes generaux : qui excluent toutes prouisiôs subsequentes, *sive præmissis, sive alio quouis modo, & etiam si deuol. affe et. specialiter, &c.*

4.
Le Grâd Prieur doit estre esleu par les Religieux & l'office d'iceluy ne peut estre impetré à Rome sur vne resignation.

1. Il n'est point electif, & n'appert point qu'il l'aye esté, & sur ce poinct l'on doit auoir esgard au dernier estat du benefice, qui est tel, que les Abbez y ont pourueu successiuemēt quand il a vacqué par mort sans requerir l'approbation par les Religieux. 2. Quand l'election sans en demeurer d'accord seroit necessaire, l'acte de cōmandement faict audit Sesse par l'Abbé en l'assemblee des Senieurs l'interuention de tous les Religieux tendans à ce qu'il soit maintenu, & leur opposition contre ledit le Brou, equipollent à vne election formelle dudit Sesse, veu mesme que l'election ne seroit à desirer, que pour choisir par ceux qui doiuent obeir, celui qu'ils estiment plus digne d'estre leur superieur.

5
1. Simonie en ce que ledit Sesse a payé vne somme de deniers au premier deuolutaire qui s'est desistē.
2. En ce que ledit de Brou pretend que ledit Sesse s'est demis de l'office d'Aumosnier en faueur d'un des nepueux

1. Si ledit Sesse auoit baillé deniers au deuolutaire pour estre subrogé en sō droict, il pourroit estre argué de Simonie, mais ayant payé vne somme pour redimer la vexatio, & auoir plus promptement par le desistēment du deuolutaire mal fondé, la maintenuē qu'il n'eust peu obtenir qu'apres vne lōgue poursuite, il n'y a nō plus à redire en cette action, qu'en celle d'un homme, lequel ayāt moyen de se defendre de son ennemy, & de le vaincre avec le tēps, par quelque liberalité le destourneroit de luy mal faire. 2. Pour le regard de l'office d'Aumosnier, supposition apparente, en ce que ledit Sesse s'est op-

posé à la prise de possession de celuy qui en estoit pourueu par ledit sieur Abbé. Pour ce qui est de la p^{er}sion elle n'est esteinte, ains subsiste, toute cette obiection n'est que calomnie qu'il y a lieu de reprimer par animaduersion exemplaire.

1. C'est vne simple proposition faite par ledit Sesse, sans en auoir esté requis, à laquelle il n'est obligé par aucune paction, de laquelle l'exécution luy soit necessaire, & cette remise depend entierement de luy & est volontaire. 2. Tants'en faut que ce faict luy puisse estre objecté pour confidence, qu'il est loüable d'auoir tesmoigné de se vouloir despoüiller pour reuestir ceux qui travaillent au reestablishement de l'ordre, & ledit de Brou fait voir que le motif de son animosité n'est autre que la contrariété de ses intentions à vn œuvre si fauorable.

Par sentence de Messieurs des Requestes du Palais contradictoire sur productions des parties, du 30. Ianuier 1627. ledit Sesse a esté maintenu, & ledit de Brou condamné aux despés, dont il est appellant.

Après que la Cour a esté saisie, il a interjecté appel comme d'abus de l'exécution de la resignation faite par ledit sieur d'Arbouse en faueur dudit Sesse, & des prouisions & prise de possession dudit Sesse, & de tout ce qui s'en est ensuiuy, & pour cause d'appel comme d'abus, allegue ses griefs, qui ne sont qu'une redicte de ses moyens en premiere instance.

Son desseing estant, comme il paroist par toute la poursuite, non d'auoir l'office de grand Prieur, ne le pouuant en vertu de son deuolut, mais de troubler ledit Sesse en sa iouissance, ou de faire en sorte qu'il soit depossédé au profit d'un autre, ledit de Brou offre de se demettre dudit office s'il luy est adiugé, en faueur de la communauté des Benedictins reformez qu'on a proposé d'introduire en l'Abbaye de Cluny, en laquelle ils ne sont establis, surquoy ledit Sesse supplie la Cour voir ses responses aux griefs & aux causes d'appel, de ses contredits à la production dudit de Brou sur les appellations comme d'abus, ou ledit Sesse a monst^{re} que le pretexte emprunté par ledit de Brou du project non accompli de la reforme en ladite Abbaye, n'est receuable ny considerable.

dudit sieur Abbé, & à remis la pension qu'il auoit sur le Prioré de Rys duquel est titulaire vn desdits nepueux.

6. Confidence en ce que ledit Sesse a promis remettre ledit office à la communauté des Religieux reformez en ladite Abbaye.

Monsieur BERGER Rapporteur.